

Служба Всем святым, в земле Санкт-Петербургской просиявшим

22 октября 2015 г. 21:00

Текст службы утвержден на заседании Священного Синода 22 октября 2015
года ([журнал № 80](#)).

В Неделю 3-ю по Пятидесятнице

Служба всем святым, в земли Санкт-Петербуржстей просиявшим

На велицей вечерни

По предначинательном псалме, Блажен муж: кафизма вся.

На Господи, воззвах: стихиры на 10: воскресны 3, Анатолиева 1 и святых 6.
Глас 2:

Стих: Изведи из темницы душу мою, / исповедатися имени Твоему.

Прежде век от Отца рождаемому Божию Слово, / воплощаемому от Девы
Марии, / приидите, поклонимся: / Крест бо претерпев, / погребению предадся,
яко Сам восхотел: / и воскрес из мертвых, / спасе мя заблуждающего человека.

Стих: Мене ждут праведницы, / дондеже воздаси мне.

Христос Спас наш, / еже на ны рукописание пригвоздив, на Кресте
загладил, / и смертную державу упразднил: / поклоняемся Его тридневному
Воскресению.

Стих: Из глубины воззвах к Тебе, Господи, / Господи, услыши глас мой.

Со Архангелы воспойм Христово Воскресение: / Той бо есть Избавитель и
Спас душ наших, / и в славе страшней и крепцей силе, / паки грядет судити
миру, егже созда.

Ина стихира, Анатолиева, глас тойже:

Стих: Да будут уши Твои / внимлюще гласу моления моего.

Тебе Распешагося и Погребеннаго, / Ангел проповеда Владыку, и
глаголаше женам: / приидите видите, идеже лежаше Господь: / воскрес бо,
якоже рече, яко Всесилен. / Темже Тебе поклоняемся Единому Безсмертному: /
Жизнодавче Христе, помилуй нас.

Стихиры святых 6, глас 1:

Стих: Аще беззакония назириши, Господи, Господи, кто постоит? / Яко у
Тебе очищение есть.

Радуйся, граде святого Петра, / и похвали Бога твоего, / яко Той укрепил
верей врат твоих, / и благослови святых Своих в тебе, / иже ныне предстоят
Престолу Его, / и яко светила незаходящая землю нашу озаряют, / и молятся
непрестанно о всех нас, / совершающих память их любовь.

Стих: Имене ради Твоего потерпех Тя, Господи, потерпел душа моя в
слово Твое, / уповая душа моя на Господа.

Ра́дуйся, гра́де свята́го Петра́,/ и похва́ли Бóга твоего́,/ я́ко Той укрепí верей врат тво́их,/ и благослови́ святыя Своя в тебé,/ иже ны́не предстоя́т Престо́лу Его́,/ и я́ко свети́ла незаходи́мая зéмлю на́шу озаряю́т,/ и мо́лятся непреста́нно о всех нас,/ соверша́ющих па́мь их любóвию.

Стих: От стра́жи у́тренния до но́щи, от стра́жи у́тренния,/ да упова́ет Изра́иль на Го́спода.

Прииди́те воспле́шим рука́ми,/ воскликне́м Бо́гу гла́сом ра́дования/ и просла́вим святы́я, в зéмли нашей просия́вшия,/ святители и преподо́бныя,/ му́ченики и испове́дники,/ Христа́ ра́ди юро́дивыя и пра́ведныя,/ явле́нныя и неявле́нныя,/ и́хже имена́ напи́сана на Небесе́х.

Стих: Я́ко у Го́спода ми́лость, и мно́гое у Него́ избавле́ние:/ и Той изба́вит Изра́иля от всех беззакóний его́.

Прииди́те, вернии, и ви́дите дела́ Бо́жия,/ я́же сотвори́ Господь:/ земноро́дни, житейское попече́ние отло́жше,/ небе́снии челове́цы и земнии а́нгели яви́шася/ и в Го́рния оби́тели водвори́шася./ Сего́ ра́ди к ним возопи́им:/ мо́литесь, святии, о сроднице́х ваших,/ с любóвию и усердие́м па́мь вашу́ прославля́ющих.

Ины стихиры, глас 6:

Стих: Хва́лите Го́спода вси язы́цы,/ похва́лите Его́ вси лю́дие.

Благове́рный кня́же Алекса́ндре,/ князей русских похва́ло,/ воинов соблюде́ние,/ врагов побежде́ние,/ сирот и вдов заступниче/ и гра́да нашего́ утвержде́ние!/ Приими́ ны́не похва́льное пение́,/ е́же во хра́мех Бо́жиих соверша́ют лю́дие тво́и,/ почита́юще светло па́мь твою́.

Стих: Я́ко утверди́ся ми́лость Его́ на нас,/ и и́стина Господня́ пребы́вает во век.

Стра́стотерпче святы́й царю́ Нико́лае/ и благоверная́ цари́це Александро!/ Вы ны́не со ча́ды вашими́/ предсто́йте Престо́лу Вседержи́теля/ и мо́литесь о держа́ве Росси́йстей,/ испроси́те и лю́дем гра́да нашего́/ мира и вели́я ми́лости.

Слава, глас тойже:

Ра́дуйся, гра́де свята́го Петра́,/ весели́ся, ны́не зéмле Петербу́ржская,/ лику́йте, лю́дие правосла́внии,/ я́ко мно́гий плод спаси́тельнаго се́яния/ принесе́ отечеству́ нашему́ вся святы́я твоя́./ Сего́ ра́ди воскликне́м Бо́гу нашему́:/ благослови́ ны, Бо́же наш,/ и не отыми́ ми́лость Твою́ от нас,/ па́мь святы́х Твоих́ светло соверша́ющих.

И ны́не, Богородичен, глас 2:

Пре́йде сень зако́нная,/ благода́ти прише́дши:/ я́коже бо купина́ не старáше опаля́ема,/ та́ко Де́ва роди́ла еси́/ и Де́ва пребы́ла еси́./ Вме́сто столпа́ о́гненнаго/ Пра́ведное возсия́ Со́лнце,/ вместо Моисе́а, Христо́с,/ Спасе́ние душ на́ших.

Вход. Све́те ти́хий:

Прокимен дне: Господь воцарися: и чтения три.

Пророчества Исаиина чтение (глава 60, ст. 1-5, 11-13):

Свети́ся, свети́ся, Иерусали́ме,/ прииде́ бо твой свет, и сла́ва Господня́ на тебé возсия́./ Се, тма покрýет зéмлю, и мрак на язы́ки,/ на тебé же яви́тся Господь, и сла́ва Его́ на тебé у́зрится./ И по́йдут ца́рие све́том тво́им, и язы́цы све́тлостию́ твоёю./ Возведи́ о́крест о́чи тво́и и ви́ждь со́бранная ча́да твоя́:/ се, приидо́ша вси сы́нове тво́и изда́леча, и дщери́ твоя́ на ра́мех во́змутся./ Тогда́

ўзриши и возрадуешися,/ и убойшися и ужаснешися сёрдцем,/ яко приложится к тебе богатство морское и языков и людей./ И отверзутся врата твоя присно,/ день и ночь не затворятся,/ ввести к тебе силу язык и цари их ведомыя./ Языцы бо и царие, иже не поработают ти, погибнут,/ и языцы запустением запустеют./ И слава Ливанова к тебе приидет,/ кипарисом и певком и кедром вкупе, прославити место святое Моё,/ и место ногу Моёю прославлю.

Премудрости Иисуса, сына Сирахова, чтение (гл. 44, ст. 1-14):

Восхвалим убо мужи славны и отцы наша в бытии./ Многу славу созда Господь в них величием Своим от века./ Господствующе в царствиих своих/ и мужи, именити силою, советующе разумом своим,/ провещавшии во пророчествах;/ старейшины людей в советех/ и в разуме писания людей./ Премудрая словеса в наказании их,/ ищуща гласа мусикийска и повещающе повести во писаниих,/ мужи богати, обдаровани крепостию,/ мирно живуще в жилищих своих./ Все сии в родех прославлени быша,/ и во днех их похвала./ Суть от них иже оставиша имя, еже поведати хвалы./ И суть, ихже несть памяти, и погибша, яко не сущии,/ и быша яко не бывша, и чада их по них./ Но сии мужие милостивии,/ ихже правды не забвены быша,/ с семенем их пребудет доброе наследие,/ изчадия их в заветех./ Остася семя их и чада их по них,/ до века пребудет семя их,/ и слава их не потребится./ Телеса их в мире погребена быша,/ а имена их живут в роды./ Премудрость их поведят людие,/ и похвалу их исповесть Церковь.

Премудрости Соломоновы чтение (гл. 3, ст. 1-9):

Праведных души в руке Божией,/ и не прикоснется их мука./ Непщевани быша во очесех безумных умерети./ И вменися озлобление исход их./ И еже от нас шествие - сокрушение, они же суть в мире./ Ибо пред лицом человеческим аще и муку примут,/ упование их безсмертия исполнено. / И в мале наказани бывше,/ великими благодетельствованы будут,/ яко Бог искуси я и обрете их достойны Себе./ Яко злато в горниле, искуси их/ и, яко всеплодие жертвенное, прият я,/ и во время посещения их возсияют/ и, яко искры по стеблию, потекут./ Судят языком и обладают людми,/ и воцарится Господь в них во веки./ Надеющиеся Нань уразумеют истину,/ и вернии в любви пребудут Ему./ Яко благодать и милость в преподобных Его/ и посещение во избранных Его.

На литии стихира храма и святых, глас 2:

Радуйся, царскосельская похвало,/ священномучениче Иоанне,/ первый пострадавший в новомученицех,/ радуйся и ты, мучениче Пётре,/ Царице Богородице, всех Скорбящих Радости, усердно послуживый/ и, угрозы безбожник нивчтоже вменив,/ за веру Христову смерть приемый./ О, иереи всеблаженнии и победоноснии,/ молити милостиваго Бога/ спастися душам нашим.

Радуйся, священномучениче Философе,/ пастырю ревностный Церкви Божия,/ яко жертву непорочную,/ сыны своя Николая и Бориса Богу предпославый/ и о мучителях Господеви моливыйся./ Радуйтесь, новомученицы, истиннии воины Христови.

Радуйтесь, святителие Христови,/ Вениамине, чистоты Церкви блюстителю верный,/ Серафиме, веры Православныя пламенный поборниче,/ и ты, Иларионе, богослове изряднейший./ О, архипастырие достославнии и

священномученицы добропобеднии,/ Божества Триипостаснаго вернии служителие,/ молитве спаситися душам нашим.

Слава, глас 2:

О, Всесильне Христэ Царю!/ В годину лютых испытаний/ сонмы новомучеников и исповедников явивый/ и кровию тех всю землю Русскую оправдавый./ Тех молитвами помилуй и спаси души наша.

И ныне, Богородичен, глас тойже:

О, чудесе новаго, всех древних чудес!/ Кто бо позна Матерь, без мужа рождшую/ и на руку носящую всю тварь Содержащаго?/ Божие есть изволение Родшееся./ Егоже яко Младенца, Пречистая, Твоима рукама носившая/ и Матерне дерзновение к Немю имущая,/ не престай молящи о чтущих Тя,/ ущедрити и спасти души наша.

Молитвы на литии:

Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатая: молитвами Всепречистыя Владычицы нашея Богородицы и Приснодевы Марии: силою Честнаго и Животворящаго Креста: предстательства честных Небесных Сил безплотных: честнаго славнаго Пророка, Предтечи и Крестителя Иоанна: святых славных и всехвальных первоверховных апостол Петра и Павла, святаго апостола Андрея Первозваннаго и прочих всех святых апостол: иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго: иже во святых отца нашего Николая, архиепископа Мир Ликийских, Чудотворца: святых равноапостольных Мефодия и Кирилла, учителей Словенских, святых равноапостольных великаго князя Владимира и великия княгини Ольги: иже во святых отец наших, святителя Михаила, перваго митрополита Киевскаго, первосвятителей Московских и всея Руси, Петра, Алексия, Ионы, Макария, Филиппа, Иова, Еромогена и Тихона, святых, в земли Санкт-Петербуржстей просиявших:

Святаго благовернаго великаго князя Александра Невскаго, святителя Игнатия, епископа Кавказскаго, святых священномучеников: Вениамина митрополита Петроградскаго, Кирилла, митрополита Казанскаго, Илариона, архиепископа Верейскаго, Николая, архиепископа Великоустюжскаго, Григория, епископа Шлиссельбургскаго, Платона, епископа Ревельскаго, Симона, епископа Уфимскаго, и священномучеников Александра, Александра, Алексия, Василия, Викторина, Владимира, Владимира, Григория, Григория, Емелиана, Иоанна, Иоанна, Иоанна, Карпа, Михаила, Николая, Николая, Николая, Николая, Павла, Петра, Философа пресвитеров, Никиты диакона, преподобных и богоносных отец наших: Антония Дымскаго, Арсения Коневскаго, Александра Свирскаго, Макария Римлянина, Новгородскаго, Мартирия Зеленецкаго, Серафима Вырицкаго, святых преподобномучеников Арсения, Льва, Серафима, Сергия, святых преподобномучениц великия княгини Елисаветы, Иоанникии, Марии, святаго преподобноисповедника Арефы, святых и добропобедных мучеников Бориса, Иоанна, Николая, Юрия, святых мучениц Анны, Екатерины, Киры, святых блаженныя матери нашея Ксении Петербуржския, святаго праведнаго отца нашего Иоанна Кронштадтскаго, святых страсготерпцев Императора Николая, Императрицы

Александры, цесаревича Алексия, великих княжен Ольги, Татианы, Марии и Анастасии, и всех прочих святых, в земли Санкт-Петербуржстей просиявших, ихже имена Ты Сам, Господи, веси, ихже и память ныне совершаем, святых праведных Богоотец Иоакима и Анны и всех святых, молим Тя, Многомилостиве Господи, услыши нас грешных, молящихся Тебе, и помилуй нас.

Владыко Многомилостиве, Господи, Иисусе Христе Боже наш, молитвами Всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил безплотных, честнаго славнаго Пророка, Предтечи и Крестителя Иоанна, святых славных и всехвальных апостол, святых славных и добропобедных мучеников, преподобных и богоносных отец наших и всех святых, в земли Санкт-Петербуржстей просиявших, ихже и память ныне совершаем, святых праведных Богоотец Иоакима и Анны и всех святых Твоих, благоприятну сотвори молитву нашу, даруй нам оставление прегрешений наших, покрой нас кровом крилу Твоею, отжени от нас всякаго врага и супостата, умири нашу жизнь, Господи, помилуй нас и мир Твой, и спаси души наша, яко Благ и Человеколюбец.

На стиховне стихиры воскресны, глас 2:

Воскресение Твое, Христэ Спасе,/ всю просвети вселенную,/ и призвал еси Твое создание:/ Всесильне Господи, слава Тебе.

Стих: Господь воцарися,/ в лепоту облечеса.

Древом Спасе упразднил еси,/ юже от древа клятву,/ державу смерти погребением Твоим умертвил еси,/ просветил же еси род наш востанием Твоим./ Темже вопиём Тебе:/ Животодавче Христэ Боже наш, слава Тебе.

Стих: Ибо утверди вселенную,/ яже не подвижится.

На Кресте явлься, Христэ, пригвождаемь,/ изменил еси доброту зданий:/ и, безчеловечие убо воины показующе,/ копием ребра Твоя прободоша,/ еврей же печатати гроба просиша,/ Твоея власти не ведуще./ Но за милосердие утроб Твоих,/ приемый погребение, и тридневен воскресий,/ Господи, слава Тебе.

Стих: Дому Твоему подобает святыня,/ Господи, в долготу дней.

Животодавче Христэ, волею страсть претерпевый смертных ради,/ во ад же снизшед яко силен,/ тамо Твоего пришествия ожидающия,/ исхитив яко от зверя крепкаго,/ рай вместо ада жити даровал еси./ Темже и нам, славящим тридневное Твое востание,/ даруй очищение грехов/ и велию милость.

Слава, глас 6:

Смятошася языцы, уклоншася царствия/ от пути спасительнаго Христова,/ пролияся кровь неповинная посреде тебе, граде святого Петра./ Но даде глас Свой Вышний/ и подвижется земля/ и явшася новомучеников сонмы,/ и возопиша вси вернии:/ разумейте, языцы, и покарьтесь,/ яко с нами Бог.

И ныне, Богородичен, глас тойже:

Творец и Избавитель мой, Пречистая,/ Христос Господь, из Твоих ложесн прошед,/ в мя оболкийся,/ первая клятвы Адама свободи./ Темже Ти, Всечистая,/ яко Божии Матери же и Деве,/ войстину вопиём немолчно:/ радуйся, ангельски, радуйся, Владычице,/ предстательство, и покрове/ и спасение душ наших.

**На благословении хлебов Богородице Дѣво: дважды,
и тропарь святых, глас 4:**

Днесь свѣтло красуется град святѣго Петра,/ яко настѣ день честнаго торжества,/ вонъже людіе христоименітии славословят Бѣга Вседержителя,/ на брегах Невы оплот державы Россійския утвердившаго,/ и многия святыя в нем явившаго,/ иже молитвы ко Пресвятѣй Троице возносят,/ да помилует Господь люди Своя, яко Милосѣрд.

На утрени

На Бог Господь: тропарь воскресен, глас 2:

Егда снизшел еси к смерти Животе безсмертный,/ тогда ад умертвил еси блистанием Божества:/ егда же и умершия от преисподних воскресил еси,/ вся силы Небесныя взываху:/ Жизнодавче Христе Бѣже наш, слава Тебѣ. (дважды).

Слава, тропарь собору святых, глас 1:

Днесь свѣтло красуется град святѣго Петра,/ яко настѣ день честнаго торжества,/ вонъже людіе христоименітии славословят Бѣга Вседержителя,/ на брегах Невы оплот державы Россійския утвердившаго,/ и многия святыя в нем явившаго,/ иже молитвы ко Пресвятѣй Троице возносят,/ да помилует Господь люди Своя, яко Милосѣрд.

И ныне, Богородичен, глас тойже:

Гавриилу вещавшу Тебѣ, Дѣво, радуйся,/ со гласом воплощашеся всех Владыка/ в Тебѣ, Святѣм Кивоте,/ якоже рече праведный Давид,/ явилася еси ширшая Небес,/ поносивши Зиждителя Твоего:/ слава Всельшемуся в Тя;/ слава Прощедшему из Тебѣ;/ слава Свободившему нас Рождеством Твоим.

По 1-м стихословии седальны воскресны, глас 2:

Благообразный Иосиф, с Древа снем пречистое Твое тело,/ плащаницею чистою обвив, и благоуханьи во гробе нове закрыв, положи,/ но тридневен воскресл еси, Господи,/ подая миру велию милость.

Стих: Воскресни, Господи Бѣже мой, да вознесется рука Твоя,/ не забуди убогих Твоих до конца.

Мирносицам женам при гробе представ ангел вопиаше:/ мира мертвым суть прилична,/ Христос же истления явися чуждь./ Но возопийте: воскресе Господь,/ подая миру велию милость.

Слава, и ныне, Богородичен:

Препрославленна еси, Богородице Дѣво, поем Тя:/ Крестом бо Сына Твоего низложися ад, и смерть умертвися,/ умерщвлении востахом, и живота сподобихомся,/ рай восприяхом, древнее наслаждение./ Тем, благодаряще, славословим, яко державнаго Христа Бѣга нашего,/ и единого Многомилостиваго.

По 2-м стихословии седальны воскресны, глас 2:

Камень гробный запечатати не возбранив,/ камень веры воскрес подал еси всем, Господи, слава Тебѣ.

Стих: Исповемся Тебѣ, Господи, всем сердцем моим,/ повем вся чудеса Твоя.

Учеников Твоих лик с мирносицами женами радуется согласно:/ общий бо праздник с ними празднуем в славу и честь Твоего воскресения./ И теми вопием Ти, Человеколюбче Господи:/ людем Твоим подаждь велию милость.

Слава, и ныне, Богородичен:

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, / Ева свободися, смерть умертвися, и мы ожихом. / Тем, воспевающе вопием: / благословен Христос Бог, благоволивый тако, слава Тебе.

Полиелей: Хвалите имя Господне:

По полиелейных псалмех священницы поют величание святым:

Величаем вас, / вси святии, в земли Петербуржстей просиявшия, / и чтим святую память вашу, / вы бо молите за нас / Христа Бога нашего.

Псалом избранный:

1. Все языцы воспещите руками, воскликните Богу гласом радования.
2. Князи людстии собращая с Богом Авраамлим, яко Божии державнии земли зело вознесошася.

1. Великий Господь, и хвален зело, во граде Бога нашего, в горе святей Его.
2. Речная устремления веселят град Божий, освятил есть селение Своё Вбшний.

1. Господи, кто обитает в жилищи Твоём? Или кто вселится во святую гору Твою?

2. Ходяй непорочен и делаяй правду, глаголай истину в сердце своём.

Посем не певше Слава, и ныне: лик поет:

Благословен еси, Господи, научи мя оправданием Твоим. **Ангельский собор: и прочие тропари воскресныя по непорочных.**

Ектеня малая.

Ипакои, глас 2:

По страсти шедшия во гроб жены, / во еже помазати тело Твоё, Христё Боже, / видеша Ангелы во гробе и ужасошася: / глас бо слышаху от них, яко воскресе Господь, / даруя миру велию милость.

Таже седален святых, глас 3:

Днесь просия ваша память, святии, / якоже пресветлая заря над землею нашею / тьму безбожия и нечестия отгоняючи / и сердца верных просвещаючи, / во еже пети Христу: / Иисусе, Спасе наш, слава Тебе.

Слава, глас тойже:

Воспойм, вернии, во благознаменитый день святых наших, / предварим лице Христа во исповедании и во псалмех воскликнем Ему: / призри, Господи, с небесе и виждь, / и посети виноград сей, и утверди и, / егоже насади десница Твоя.

И ныне, Богородичен:

Ты еси Похвала верных, Безневестная, / Ты Предстательница и Прибежище христиан, Стена и Пристанище: / к Сыну бо Твоему мольбы прилежныя возносиши, Всенепорочная, / и спасаеши от бед верою и любовью Богородицу Чистую Тебе славящая.

Степенны, глас 2:

Антифон 1. Ихже стихи повторяюще поем:

На небо очи пушаю моего сердца, к Тебе Спасе, спаси мя Твоим осиянием.

Помилуй нас согрешающих Тебе много, на всякий час, о Христё мой, и даждь образ прежде конца покаяться Тебе.

Слава: Святому Духу, еже царствовать подобает, освящати, подвижати тварь, Бог бо есть единосущен Отцу и Словоу.

И ныне, той же.

Прокимен, глас 2: Востани, Господи, Боже мой, повелением, имже заповедал еси, / и сонм людей обидет Тя.

Стих: Господи, Боже мой, на Тя уповах, спаси мя.

Всякое дыхание: Евангелие воскресно 3-е, от Марка, зачало 71.

Воскресение Христово: Псалом 50.

Слава: Молитвами апостолов: **И ныне:** Молитвами Богородицы: Помилуй мя, Боже: **Стихира воскресная:** Воскрес Иисус от гроба:

И глаголет диакон: Спаси, Боже, люди Твоя:

Лик: Господи помилуй: (12) и **возглас:** Милостию и щедротами:

Канон воскресный 2-го гласа, со ирмосом на 4, Богородицы на 2 и святых, глас 4, на 8.

Песнь 1

Канон воскресен, глас 2:

Ирмос: Во глубине постла иногда, / фараонитское всевоинство преоруженная сила, / воплощенное же Слово всезлобный грех потребило есть, / препрославленный Господь, / славно бо прославися.

Припев: Слава, Господи, святому воскресению Твоему.

Мирский князь, Блаже, ему же написахомся, / заповеди Твоея не послушавше, Крестом Твоим осудися: / приразися бо Ти, яко смертну, / отпад же власти Твоея державою и немощный обличися.

Избавитель рода человеческого и нетленному животу Начальник в мир пришел еси, / воскресением бо Твоим раздрал еси смертныя пелены, / еже славословим вси: славно бо прославися.

Ин канон, Пресвятей Богородице, глас той же:

Припев: Пресвятая Богородице, спаси нас.

Невещественная древле лествица и странно оледеневший путь моря, / Твое являше рождество Чистая, / еже поем вси: яко прославися.

Сила Вышняго, ипостась совершенная, / Божия мудрость, воплощися, Пречистая, из Тебе, / к человеку беседова, яко прославися.

Ин канон, всем святым, в земли Санкт-Петербуржстей просиявшим, глас 4.

Ирмос: Отверзу уста моя:

Припев: Все святии земли нашей, молитесь Бога о нас.

Приидите, в песнях воспойм собор священнейший, / всех святых, в земли Петербуржстей просиявших, / и своими подвиги всю землю нашу освятивших.

Восхвалим Андрея Первозванного и святого равноапостольного Владимира, / вкупе же и великую княгиню Ольгу, / яко тех трудами в земли Российской вера насади, / и доныне благодатию Божию напаяется и плод сториичный приносит.

Днесь сошедшеся, вернии, / восхвалим по достоянию благоверного и венчосного князя Александра, / яко защитника земли Русския и чудес подателя обильного, / присно Господу о всех нас молящаяся.

Всемогущий Господь силою на брань верныя Своя препоясуай, о княже Александре, / злочестивии враги под ноге твои покорй и на свещнице высоче постави тя, / темже град Петра тобою хвалится и святая лавра величается.

Благоверный княже Александре, Престолу Божию со всеми святыми ныне предстоя,/ прославляеши Триипостаснаго Бога,/ сего ради подавай нам благодать исцелений/ и молися о спасении душ наших.

Светильниче земли Россійския пресвѣтлый,/ чудесѣ многими сияя,/ просвещаеши дивно души совершающихъ любовью память твою, Александре блаженне.

Приидите, людие благочестивии,/ архиереи и священницы, монаси и мирстии, старии и младии,/ прославимъ князя благовернаго Александра,/ иже всякому возрасту и чину заступникъ верный и наставникъ добрый бысть.

Слава: Пѣснями и пѣнии духовными восхвалимъ блаженнаго князя Александра/ и, припадающе къ честней и многоцѣлебней раце его,/ с любовью обლობызаимъ ю и сѣце воспоемъ:/ радуйся, о Отѣчествѣ нашемъ предивный молитвенниче.

И ныне: Чудно украсися градъ нашъ иконою Твоею, Богородице Владычице, Скоропослушницею именуемою,/ юже благоволила еси дати вернымъ в помощь и утѣшеніе,/ скоро бо слышиши мольбы в скорбехъ Тя призывающихъ/ и паче лучей солнечныхъ всехъ освещаеши благодатию Твоею.

Катавасія: *Отверзу уста моя:*

Песнь 3

Ирмос: *Процвѣла есть пустыня, яко крин, Господи,/ языческая неплодѣющая Церковь, пришествіемъ Твоимъ,/ в нейже утвердися мое сердце.*

Тварь в страсти Твоей изменяеши,/ зрящи Тя в нищѣтне образѣ отъ беззаконныхъ поругаема,/ основавшаго вся Божественнымъ мановѣніемъ.

Отъ персти по образу мя рукою Твоею создалъ еси/ и сокрушенна паки в персть смертную за грѣхъ, Христѣ,/ сошедъ во адъ, совоскресилъ еси.

Ин, Богородице.

Иже времени Превышшии всякаго,/ яко временемъ Творецъ, изъ Тебѣ, Дѣво, волю Младенецъ создася.

Черво пространный небесъ воспоемъ,/ имже Адамъ на небесѣхъ, радуясь, живѣтъ.

Ин, святымъ:

Ирмос: *Твоя песнословцы:*

Вменитесь яко овцы заколенія, о царственнии страстотѣрпцы,/ и, якоже агнцы непорочнии, Богу пожершеся, за убійцы ваша крѣтко молитесь./ Сего ради и Агнецъ Божій, возьмляй грѣхи мира,/ приятъ васъ во двѣры Своя.

О, страстотѣрпче святѣй царю Николае, рода царскаго вѣнче и похвало!/ Беззаконнии людие оболгаша и предаша тя на смерть лютую,/ силою же Божіею укрепляемъ, вся мужественне претерпелъ еси.

О, страстотѣрпице царице Александро,/ смиреніемъ своимъ, всю Землю Русскую удивившая!/ Ты, болящая и страждущая воины утѣшающи/ и раны ихъ, яко мати чадолюбивая, омывающи,/ яко Самому Христу Богу послужила еси.

О, святіи царю Николае и царица Александро!/ Вы добраго супружества и детей воспитанія благочестиваго образъ яviste/ и домъ свой, яко цветникъ духовный, соделасте./ Сего ради ныне вкупе со чады своими Престолу Божию предстоите.

О, чада царицы, святіи мученицы, вернии рабы Христовы:/ Алексіе, Ольго, Татиано, Маріе и Анастасіе!/ Вы, за убивающія васъ Господу крѣтко

молящися,/ кровь свою невинную, яко дар многоценен Богу принесли есте./ Сего ради вас ныне ублажаем.

О, преподобномученице Елисавето, величием подвигов твоих многия удивившая!/ Ты, якоже Марія, Христу Богу всем сердцем внимающи,/ и, якоже Марфа, Ему с любовью служащи,/ образ деятельнаго благочестия нам явила еси/ и веру свою даже до смерти непорочно сохранила еси.

Слава: Радуйся, граде святѣго Петра,/ в тебе бо ныне прославляются песненно чада твоѣ,/ яже, ризы своѣ многими страдании убелѣвшие и славу небесную законно стяжавше,/ победную песнь Богови воссылают.

И ныне: Возвысилася еси, Богородице Дѣво, паче лик Небесных,/ восприимши во утробѣ Твоей непреступный Свет Божества,/ Имже сердца и умы наша просвети/ и к жизни непорочней настави.

Катавасия: *Твоѣ песнословцы:*

Ектенія малая.

Кондак святых, глас 3:

Днесь святѣи земли Петербургскія/ вкупе с нами предстоятъ в Цѣркви и невидимо за ны молятся Бѣгу,/ да избавит нас от враг видимых и невидимых,/ от недуга и глѣда, от внезапнаго смѣрти и от всякаго зла/ и спасѣтъ души наша.

Икос:

Ангельским чинѣм подражающе на земли,/ просіяли есте в подвигах многоразличных, святѣи./ Восприимше ѣго благое Христово на рамена своѣ,/ востекосте к Небесному Иерусалиму./ Сего ради молитѣ Христа о нас, вопиющих вам:/ радуйтесь, неусыпнии наши молитвенницы,/ радуйтесь, пречуднии ходатаи о нас ко Господу./ Радуйтесь, яко трудами вашими вера насаждается,/ радуйтесь, яко кровьюми вашими Цѣрковь утверждается./ Радуйтесь, яко со ангелы Святѣй Троице предстояте,/ радуйтесь, яко с ними трисвятую пѣснь Ей воспеваѣте./ Радуйтесь, светила незаходимаго Цѣркве нашея.

Седален святых, глас 3:

Днесь память святых земли Петербургстей совершающе,/ припадем ко Господу и возопиим:/ Христѣ Бѣже, тех молитвами умири мир Твой, и спаси души наша,/ яко Благ и Человеколюбец.

Слава, и ныне, Богородичен, глас тойже:

О, Невѣсто Невѣстная! Ты неизреченно зачала еси во утробѣ Твоей Христа Бога нашего./ Тѣмже Тя, яко Матерь Божию и Пречистую Приснодеву, православно величаѣм.

Пѣснь 4

Ирмос: *Пришел еси от Дѣвы, не Ходатай, ни Ангел,/ но Сам, Господи, воплощся/ и спас еси всего мя человека./ Тем зову Ти: слава силе Твоей, Господи.*

Предстоиши судищу яко судимь, Бѣже мой,/ не вопия, Владыко, суд износя языком:/ ѣмже страстию Твоею, Христѣ, вселенней соделал еси спасѣние.

Страстию Твоею, Христѣ, врагу оскудѣша оружия,/ противным же еже во ад схождѣнием Твоим, грады разрушишася/ и мучителява дерзость низложена бысть.

Ин, Богородице:

Се превознесёся Божественная Горá до́му Господня,/ превы́шше сил,
Богома́терь я́вственнейше.

Зако́нов естество́нных кроме,/ еди́на Де́во ро́ждши Влады́чествующего
твáрию,/ сподо́билася еси́ Божественнаго зва́ния.

Ин, святым:

Ирмос: *Седяй в славе:*

По́двигом моли́твы, труда́ и юро́дства Христа́ ра́ди/ во гра́де свята́го
Петра́ просия́вши, Ксе́ние блаже́нная,/ моли́ся и нам в Небеснем Царствии
Безсме́ртныя трапéзы сподобитися.

Небе́сныя жи́зни возжелавши,/ в жити́й твоём вся земна́я отринула́ еси́,
ма́ти Ксе́ние,/ темже сподо́би и нас моли́твами твоими́ Горних Чертогов
достигну́ти.

Мо́нахов наста́вниче, цевни́це духо́вная,/ моли́твы учи́телю, Игна́тие
богомудре,/ святи́тельским твои́м омофо́ром покрыва́й ста́до твоё от всякаго
зла́.

Пра́вды Христо́вы взыскуя, Игна́тие блаженне,/ воли Божией покорился
еси́/ и, в пустынь Сергиеву вселился,/ житием многоскорбным сию освятил еси́.

Чудотворче Кроншта́дтский Иоáнне,/ моли́твою твоёю па́дшия возставля́л
еси́, недужныя исцеля́л еси́,/ и ны́не, во славе Небесней пребывая,/ не оста́ви
нас, почита́ющих па́мять твою́.

Слава: *Ложныя мудрова́ния сыно́в ве́ка сегó,/ возста́ющих противу
исти́ны свята́я Цёркви Христо́вы,/ неленостно обли́чая, свя́те Иоáнне,/ сло́вом
и житие́м Правосла́вие утвержда́л еси́, поя́:/ сла́ва си́ле Твоёй, Го́споди.*

И ныне: *Пресвята́я Госпоже́ Мари́е Богороди́це,/ Бо́га Твоего́ и Созда́теля
во чре́ве носившая,/ освяти́ сердца́ рабо́в Твои́х, Пречи́стая,/ я́ко да всегда́
Тобо́ю хва́лимся.*

Катавасия: *Седяй в славе:*

Песнь 5

Ирмос: *Хода́тай Бо́гу и челове́ком был еси́, Христé Бо́же,/ Тобо́ю бо,
Влады́ко, к Светонача́льнику Отцу́ Твоему́,/ от но́щи неведе́ния/ приведе́ние
и́мамы.*

Я́ко ке́дры, Христé, язы́ков шата́ние сокруши́л еси́ волею, Влады́ко:/ я́ко
изво́лил еси́ на кипари́се, и на пёвке и ке́дре, плóтию совозвыша́емь.

В ро́ве Христé преиспо́днем положи́ша Тя бездыхáнна ме́ртва:/ но Твоёю
язвою забвённыя ме́ртвыя, и́же во гробéх спя́щыя,/ уязвен с Со́бою воскреси́л
еси́.

Ин, Богородице:

Обла́цы весéлия сла́дость кро́пите сущым на земли́:/ я́ко Отрочá даде́ся,
и́же Сый пре́жде век,/ от Де́вы вопло́щся Бог наш.

Жити́ю и плóти моёй свет возсия́,/ и дря́хлость грехá разруши́:/
напоследок от Де́вы без се́мене вопло́щся Вы́шний.

Ин, святым:

Ирмос: *Ужасо́шася вся́ческая:*

Новому́чениче Петрогра́дский,/ ка́меню драгый и сла́вный Цёркве
Росси́йския,/ Пётре, верный служи́телю Цари́цы Богороди́цы, достохва́льне,/

ты, ревностью Божественною распалаемь,/ безумие безбожник избличил еси/
и кровь за Христа пролил еси.

Добропобеднии священномученицы Николае и Иоанне, соузницы
Тихфинстии,/ стрел разжженных лукаваго и огня, в лице вам дышущаго, не
убоявшеся,/ Христа проповедасте,/ и на страдание мужественно потекосте,
темже и ныне со святыми водворяетесь.

Богодуховенне проповедниче, священномучениче Философе,/ храма
Казанскаго похвало, из сердца твоего благотворящаго реки воды живыя
истекоста,/ души и телеса жаждущих росюю благодати напаяючи.

Чада добре воспитал еси, пастырю блаженне Философе,/ яже с тобою
вкупе на подвиг востекоста/ и венцем мученическим от Христа Владыки
украсяшася,/ Николай и Борис прехвальнии.

Братства церковная устрояй и утверждай, преподобномучениче Льве,
благодетель неусыпный и помощник нищим, страным, сирым и страждущим
показался еси,/ темже Царствие Небесное унаследовал еси.

Больши сея никтоже любве иматъ,/ да кто душу свою положит за други
своя./ Сиче убо и ты, священномучениче Алексие Кронштадтский за собрата
жизнь свою отдавай,/ в жертву Богу принеслся еси.

Слава: Доблестный страдалче и христоподражательный мучениче
Иоанне Царскосельский,/ моли Владыку Христа Бога/ и нам вечныя муки
избавитися.

И ныне: О, Всепетая, Всехвальная Марие,/ раб Твоих молений не презри,
но от бед избави, Непорочная,/ всех к Тебе усердно притекающих.

Катавасия: Ужасошася всяческая:

Песнь 6

Ирмос: В бездне греховней валяясь,/ неизследную милосердия Твоего
призываю бездну:/ от тли, Боже, мя возведи.

Яко злодей Праведник осудися/ и со беззаконными на Древе
пригвоздися,/ повинным оставление своею даруя Кровию.

Единем убо человеком, первым Адамом древле в мир вниде смерть,/ и
единем воскресение Сыном Божиим явися.

Ин, Богородице:

Естество человеческое работающее греху, Владычице Чистая,/ Тобою
свободу улучи:/ Твой бо Сын, яко Агнец, за всех закаляется.

Вопием Ти вси истинней Богоматери:/ прогневавшия рабы избави,/ едина
бо дерзновение к Сыну имаша.

Ин, святым:

Ирмос: Божественное сие и всечестное:

Жертвенную любовь явил еси, святителю Вениамине,/ твердостию ума
показался еси неколебим,/ егда клеветаху на тя врази твой./ Темже к свету
невечернему пришел еси, священномучениче, радуясь.

Смирением, яко ризою, облечлся еси, священномучениче Вениамине,
егда клеветницы без вины осудила тя./ Темже величаем страдания твоя/ и
песнословим кончину твою.

Святителю Вениамину последовали есте, Сергие, Юрие и Иоанне
достохвальнии,/ и вкупе мученическими венцы увенчались есте,/ темже ныне
память вашу совершаем.

Яко отец милосердый всем вся был еси:/ вдовицам питатель, скорбящим утешитель, обидимым заступник,/ граду Петрову пастырь и хранитель, священномучениче Вениамине./ Тёмже и ныне прилэжно молися Владыце Христу о чтущих память твою.

Престолу Божию предстою, святителю Христов Вениамине,/ не престай прилэжно молити о нас, рабех твоих,/ да твоим ходатайством огня вечнаго избавимся/ и всякаго озлобления, на ны от враг находящаго.

Светлым лицом на незаконном судилище представ, священномучениче Вениамине,/ смирением, кротостию и мудростию неправедных судий посрамил еси/ и радостне за Христа пострадал еси, глаголя:/ слава Богу за вся.

Слава: Память твоя светоносне возсиявши, досточудне Вениамине,/ просвещает души благоговейно сию совершающих,/ мучения бо, страдания и смерть мужественно претерпел еси./ Тёмже благочестно песньми тя величаем.

И ныне: Возсияй в сердцах наших, Владычице Пречистая, Сына Твоего нетленный свет,/ очи наша мысленныя просвети/ и уста наша отверзи ко хвалению Твоему.

Катавасия: *Божественное сие и всечестное:*

Ектения малая.

Кондак воскресен, глас 2:

Воскресл еси от гроба, Всесильне Спасе,/ и ад, видев чудо, ужасеся/ и мертвии восташа:/ тварь же, видящи, срадуется Тебе,/ и Адам свеселится,/ и мир, Спасе мой, воспеваёт Тя присно.

Икос:

Ты еси свет омраченным,/ Ты еси воскресение всех, и живот человека,/ и всех совоскресил еси, смертную державу, Спасе, разорь,/ и адова врата сокрушивый, Слове:/ и мертвии, видевше чудо, чудяхуся,/ и всяка тварь срадуется о воскресении Твоем, Человеколюбче./ Тёмже и вси славим и поём Твое снизхождение,/ и мир, Спасе мой, воспеваёт Тя присно.

Песнь 7

Ирмос: *Богпротивное веление беззаконнующаго мучителя/ высок пламень вознесло есть:/ Христос же простре богочестивым отроком росу духовную,/ Сый благословен и препрославлен.*

Не терпел еси, Владыко, за благоутрбие смерти человека зрети мучима,/ но пришел и спасл еси Твоею Кровию, человек быв:/ Сый благословен и препрославлен Бог отец наших.

Видевше Тя, Христэ, оболчена во одежду отщениа,/ ужасошася вратницы адовы:/ безумнаго бо мучителя раба, Владыко, пришел еси убити:/ Сый благословен и препрославлен Бог отец наших.

Ин, Богородице:

Зряше в нощи убо Иаков, яко в гадании Бога воплощенна,/ из Тебе же светлостию явися поющим:/ пребожественный отец Бог и препрославлен.

Знамения, яже в Тебе, неизреченнаго проявляя снятия, со Иаковом борется:/ имже волю соединися человеком, Чистая:/ пребожественный отец Бог и препрославлен.

Ин, святым:

Ирмос: *Не послужиша твари:*

В вертограде духовнем земли Петербужския возвращен,/ Църковь Рýсскую во дни лýбых гонéний возглавил еси, святителю Тíхоне,/ и, Кáмень живýй, Христа́, во основание жизни твоя положив, воспéл еси:/ отцéв нáших Бóже, благословéн еси.

Священномучениче Кирилле Казанский,/ собеседниче славнаго пастыря Кронштáдтскаго и благоговейне его погребший!/ Ты, лeсть вра́жию мýжески попра́в,/ в темни́цу за Хри́стом последовал еси́, с верою воспевая:/ отцéв нáших, Бóже, благословéн еси́.

Иже на высóких тя Поста́вивый, святителю Илариóне,/ Божéственною мýдростию ум твой облагодати́./ Сего́ ра́ди Христа́ всем я́сно проповéдал еси́ и Го́сподеви воспевáл еси́:/ отцéв нáших, Бóже, благословéн еси́.

Веру Христову мужественне защищая, священномучениче Илариóне,/ úзы за Христа́, ра́дуясь, восприя́л еси́/ и, смéртию твоёю по́двиг твой запечатлéв,/ вся пéти научи́л еси́:/ отцéв нáших, Бóже, благословéн еси́.

Святителю Ревельский Платóне, о пастве твоей усердный ревнителю!/ Аще прещéнием и запрещáху тебé мучителie проповéдати Ева́нгелие,/ ты, терпением вооружився, подвиг исповедничества добле совершил еси, Го́сподеви поя:/ отцéв нáших, Бóже, благословéн еси́.

Священномучениче Никóлае,/ сподви́жника чудотворцу Кронштáдтскому врази́ ты нареко́ша,/ ты же, любовию распалаемь, имене сего пред лицéм смéрти не отвéрглся еси́./ И ны́не, во двóрех до́му Бо́га нáшего водворя́ясь,/ не забúди нас, поющих:/ отцéв нáших, Бóже, благословéн еси́.

Слава: Священномучениче Кáрпе, твердый адаманте веры Христовы!/ Ты, первое во обители Пюхтицстей диаконское служение добре совершавый,/ послежде в чине иерейстем паству храма Исидоровскаго во града Петрограде добре упасл еси/ и, до́брое сéмя неуста́нно сéяв,/ за Христа́ мужественне пострадал еси./ Ны́не же с лики святых жне́ши ра́достию клáсы присноживóтия, воспевая:/ отцéв нáших, Бóже, благословéн еси́.

И ны́не: Всеблагáя, Всемíлостивая Влады́чице,/ моля́щаяся Тебé рабы́ Твоя́ утéши и от вéтров вра́жиих сохрани́,/ да непреста́нно Тя велича́ем.

Катавасия: *Не послужи́ша тва́ри богомýдрии:*

Песнь 8

Ирмос: *Пещь иногда́ о́гненная/ в Вавилóне дéйства разделя́ше,/ Бóжшим велéнием халдéи опаля́ющая,/ вёрная же ороша́ющая, пою́щия:/ благослови́те, вся дела́ Господня, Го́спода.*

Крóвию Твоёю, Хри́стé, очервлéно плóти Твоея́ зряще одея́ние,/ трéпетом ужаса́хуся мно́гому Твоему́ долготерпéнию, а́нгельстии чíни, зову́ще:/ благослови́те, вся дела́ Господня, Го́спода.

Ты моé смéртное одея́л еси́, Ще́дре, в безсмéртие воста́нием Твои́м./ Тёмже, веселя́щаяся, благодарственно воспевáют Тя избрáннии лю́дие, Хри́стé, зову́ще Тебé:/ пожéрта бысть войстинну смерть побéдою.

Ин, Богородице:

Виден бысть на земл́и Тобóю и с челове́ки поживé,/ Иже блага́стию несравнённый и си́лою,/ Емúже пою́ще, вси вёрнии, зовéм:/ осущество́ванная да поёт Го́спода вся тварь/ и превозно́сит во вся вéки.

Войстинну Тя, Чистую, проповѣдающе, сла́вим Богородицу:/ Ты бо едина
родила еси́ от Троицы воплощенна,/ Ему́же со Отце́м и Ду́хом вси поём:/ да
поёт Го́спода вся тварь и превозно́сит во вся ве́ки.

Ин, святым:

Ирмос: *Отроки благочесті́выя в пеи́цї:*

Преподо́бне Серафѣме, Вы́рицкий чудотворче,/ день и ночь рѹце твоѣ
воздева́л еси́, Го́сподеви моля́ся,/ да изба́вит Оте́чество на́ше от нашѣствия
иноплеме́нных./ Мы же, твоѣми моли́твами спасѣние улучи́вше, Бо́гу вопи́ем:/
благослови́те, вся дела́ Го́сподня, Го́спода.

Ли́к серафѣмский Трисвяту́ю песнь Трои́це воспева́ет,/ с нимже и
преподо́бный чудотворец Вы́рицкий Бога славосло́вит, вопия:/ благослови́те,
вся дела́ Го́сподня, Го́спода.

Са́ровскому чудотворцу поревнова́в,/ дух ми́рен стяжа́л еси́, преподо́бне
о́тче Серафѣме./ Сего́ ра́ди ты́сящи о́крест тебѣ спаса́ются и, благодаря́ще,
Бо́гови вопи́ют:/ благослови́те, вся дела́ Го́сподня, Го́спода.

Фараони́ты мы́сленныя му́жески победѣв,/ чистоту́ сердечную стяжа́л
еси́, о́тче преподо́бне Серафѣме,/ сего ради, душе́вныма очѣма Бо́га узрѣв,/ с
любо́вию воспева́л еси́:/ благослови́те, вся дела́ Го́сподня, Го́спода.

Мно́гая чудеса́, преподо́бне чудотворче Вы́рицкий,/ си́лою Бо́жиею, в
тебе бога́тно де́йствующею, сотвори́л еси́:/ слепѣи бо прозрева́ху, немѣи
глаго́лаху,/ одержѣмии же от духо́в злѣбы свобожда́хуся./ Сего́ ра́ди Бо́гу,
дѣвному во святы́х Своѣх, поём:/ благослови́те, вся дела́ Го́сподня, Го́спода.

Любо́вию Христо́вою уязви́вшись, преподобномученице Мари́е
Га́тчинская,/ к страда́нию востекла́ еси́, распѣнши плоть со страстьми́ и
похотьми́,/ и, свещу́ душе́вную неугасѣму де́янием храня́щи,/ в чертог Жени́ха
Небеснаго возшла еси́,/ превознося́щи Е́го во ве́ки.

Да́ры Христу́ любо́вию принесла́ еси́, преподобномученице Мари́е,
моли́тву, я́ко злато,/ поще́ние, я́ко лива́н,/ и страда́ние, я́ко сми́рну./ Тем ты
благоче́стно велича́ем.

Слава: *Образе неизменный Отеч,/ Сияние славы Присносущнаго Света,
печать Вышняго, Слове, Сило и Мудросте!/ Тя благословящим
Благопременитель буди.*

И ныне: *О, Дево Богородительнице, обидимых Заступнице и всех
скорбящих Радосте!/ Приими благодарственное пение, от души Тебе
возносимое,/ и буди нам теплая Ходатаица в День страшнаго испытания,/ егда
Сын Твой имать судити живых и мертвых.*

Катавасия: *Отроки благочесті́выя в пеи́цї:*

Песнь 9

Ирмос: *Безнача́льна Родите́ля Сын, Бог и Госпо́дь,/ вопло́щся от Де́вы,
нам яви́ся,/ омраче́нная просветѣти, собра́ти расточе́нная:/ тем Всепѣту́ю
Богороди́цу велича́ем.*

Я́ко в рай насажде́но на лѣбнем, Спа́се, требога́тое дре́во Твоего́
пречи́стаго Креста́,/ Кро́вию и водо́ю Божѣственною, я́ко от исто́чника
Божѣственнаго, ребра́ Твоего́, Христе́, напо́яемо,/ живѣт нам прозяблѣ есть.

Низложи́л еси́ си́льныя, распни́йся, Всеси́льне,/ и е́же ни́зу лежа́щее во
а́дове тверды́ни, естество́ челове́ческое возне́с,/ на О́тчем посади́л еси́
Престо́ле./ С Ни́мже, Тебѣ гряду́щу, покланя́ющеся, велича́ем.

Ин, Богородице:

Жезл крѣпости дадѣся естествоу тлѣнному,/ слово Божие во утробѣ Твоей,
Чистая:/ и сие воскреси, до ада попользшея./ Тѣмже Тя, Всечистая, яко
Богородицу, величаем.

Юже изволил еси, Владыко, прими милостивно Молитвенницу, Матерь
Твою о нас,/ и Твоея благодати всяческая исполнятся:/ да Тя вси, яко
Благодетеля, величаем.

Ин, святым:

Ирмос: *Всяк земнородный:*

Радуйся, преподобне отче Александре Свирский,/ Бог в Троице
воспеваемый явися ти и сосуд избранный содела тя,/ тѣмже, богоносе, и донине
чудодееши.

От родителей благочестивых,/ испросивших сына у Святыя Троицы,
прозябл еси, Александре преблаженне,/ и явился еси таин Божественных
созерцатель.

Всегдашним к Богу рачением и мира отвержением,/ отче Антоние,
Дымский чудотворче, Господу верно послужил еси,/ тѣмже и достоин явился
еси услышати возжеланный глас Его:/ благий рабе и верный,/ вниди в радость
Господа твоего.

Незлобив, праведен и милостив быв, Антоние богомудре,/ блаженства
Небеснаго в земли кротких сподобился еси,/ и тамо вкушаеши вечнаго
утешения.

Якоже мудрая пчела, преподобне отче Арсение,/ мед духовный собирая,
Гору Афонскую обходил еси,/ тѣмже и обитель Коневецкая, тобою устроенная,
сокровищница даров Святаго Духа явилася еси.

Врага рода человеческого именем Христовым отгнав, преподобне
Арсение,/ языческая жертвоприношения на острове Коневstem упразднил еси/ и
тамо жертву хвалы Богу приносил еси.

Слава: Пустынь Зеленецкая, крестом звездным благословенная,
подвигом преподобнаго Мартирия создася и прославися,/ тѣмже и ныне
молитвами верных утверждается.

И ныне: Во граде Казани икону Твою явила еси, Пречистая,/ очеса слепых
отверзаючи и милости Своя на верных изливаючи,/ и ныне, Заступнице
Усердная, просвети нас,/ во граде святаго Петра честному образу Твоему
покланяющихся.

Катавасия: *Всяк земнородный:*

Свят Господь Бог наш: во глас 2.

Екзапостиларий 3-й:

Яко Христос воскрес, никтоже да не верует:/ явися бо Марии, потом же
виден бысть на село идущема,/ тайником же паки явися, возлежащим
единонадесятым,/ ихже крещати послав, на Небеса вознесся,/ отнюдуже и
сниде,/ утверждая проповедание множествы знамений.

Слава, светилен святых, глас 1:

Радуйся, славный граде святаго Петра,/ слава бо святых твоих в тебе
возсия,/ ликуйте ныне и веселитесь, благочестивии людие,/ яко сонм велий
ходатаев Небесных имате пред Богом.

И ныне, Богородичен воскресный:

Возсиявшее солнце, яко от чертога Жених, из Гроба днесь, / и ад пленив, и смерть упразднил, / Тебе рождшия молитвами, свет нам низпосли: / свет, просвещающ сердца и души, / свет, ходити всех наставляющ на стези повелений Твоих, / и на путь мира.

На хвалитех, Всякое дыхание: во глас 2. И поем стихиры воскресны 4.

Стих: Сотворити в них суд написан: / слава сия будет всем преподобным Его.

Всякое дыхание и вся тварь, / Тя славит Господи, / яко Крестом смерть упразднил еси, / да покажеш людем, еже из мертвых Твое воскресение, / яко Един Человеколюбец.

Стих: Хвалите Бога во святых Его, / хвалите Его во утвержении силы Его.

Да рекут иудее, / како воины погубиша стрегущи Царя? / Почто бо камень не сохрани Камене жизни? / Или Погребеннаго да дадут, / или Воскресшему да поклонятся, глаголюще с нами: // слава множеству щедрот Твоих, Спасе наш, слава Тебе.

Стих: Хвалите Его на силах Его, / хвалите Его по множеству величества Его.

Радуйтесь людие и веселитесь, / ангел седяй на камени гробнем, / той нам благовестит, рек: / Христос воскрес из мертвых, Спас мира, / и исполни всяческая благоухания: // радуйтесь, людие, и веселитесь.

Стих: Хвалите Его во гласе трубнем: / хвалите Его во псалтири и гуслех.

Ангел убо, еже радуйся, / прежде Твоего зачатия, Господи, Благодатней принесё: / ангел же камень славнаго Твоего гроба в Твое воскресение отвали: / о: убо в печали место, веселия образы возвещая: / сей же в смерти место, Владыку Жизнодавца проповедуя нам, темже вопиём Ти: / Благодетелю всех, Господи, слава Тебе.

Таже стихиры святых 4, глас 1:

Стих: Хвалите Его в тимпане и лице, / хвалите Его во струнах и органе.

Како смиренными усты воспоим князя Александра благовернаго? / Всечестныя Троицы теплаго молитвенника, / земли Российския похвалу и крепкаго заступника, / печальных утешителя, / вдов и сирот питателя / и предстателя неусыпнаго о душах наших.

Стих: Хвалите Его в кимвалех доброгласных, хвалите Его в кимвалех восклицания. / Всякое дыхание да хвалит Господа.

Приидите, благочестивии людие града Петра, / и припадем усердно ко источнику приснотекущему, / святителю Игнатию, богоносцу Российскому, / и восхвалим, усердно просяще: / молитвами твоими, святителю, / подай просвещение душам нашим.

Стих: Воскреси, Господи Боже мой, да вознесется рука Твоя, не забуди убогих Твоих до конца.

Честнии твой рuce к Богу простирая, / святителю отче Вениамине, / испроси нам благодать и силу во спасение, / буди покров неборим граду твоему, / емуже во святителях первый мученик был еси, / и молися за ны Христу Богу, / да спасёт души наша.

Стих: Исповемя Тебе, Господи, всем сердцем моим, повем вся чудеса Твоя.

Лик святых в земли Петербургстей просиявших/ вкупе с первоверховным апостолом Петром/ за град наш Господа умоляет у Престола Царя Небеснаго./ Сего ради, любовью воздвигаеми, и мы воспойм:/ Радуйтесь, светильницы светлосияющие!/ Радуйтесь, храми Духа Святаго и благодати причастицы!/ Присно молитесь ко Христу,/ да избавит нас от всякаго зла/ и спасет души наша.

Слава: стихира евангельская, глас 3:

Магдалине Марии/ Спасово благовествующей из мертвых Воскресение и явление,/ не верующе ученицы, поносими быша о жестосердии:/ но знаменьями вооружшеся и чудесы,/ ко проповеданию посылахуся,/ и Ты убо, Господи, к Начальному Свету вознесся еси Отцу,/ они же проповедаша всюду слово, чудесы уверяюще./ Темже просветившеся теми,/ славим Твое еже из мертвых воскресение,/ Человеколюбче Господи.

И ныне, глас 2:

Преблагословенна еси, Богородице Дево,/ воплощшим бо ся из Тебе ад пленися,/ Адам возвася, клятва потребися, Ева свободися,/ смерть умертвися и мы ожихом,/ тем воспевающе вопием:/ благословен Христос Бог, благоволивый тако, слава Тебе.

Славословие великое.

По славословии тропарь: Воскрес из гроба: Ектении и отпуст.

На часех тропарь воскресен. Слава: святым, И ныне: Богородичен часа. Кондак воскресен и кондак святых пременяюще глаголем.

На Литургии

Антифоны изобразительные. Блаженны воскресны 2-го гласа на 6:

Блажени кратцыи, яко тии наследят землю.

Глас Ти приносим разбойничь, и молимся:/ помяни нас, Спасе, во Царствии Твоем.

Блажени алчущии и жаждущии правды, яко тии насытятся.

Крест Тебе приносим в прощение прегрешений:/ егоже нас ради приял еси, Человеколюбче.

На 8: Блажени милостивии, яко тии помиловани будут.

Поклоняемся Твоему, Владыко, погребению и востанию:/ имиже от тления избавил еси мир, Человеколюбче.

Блажени чистии сердцем, яко тии Бога узрят.

Смертию Твоею, Господи, пожерта бысть смерть:/ и воскресением Твоим, Спасе, мир спасл еси.

Блажени миротворцы, яко тии сынове Божии нарекутся.

Мирносицы сретил еси, воскрес от гроба,/ и учеником возвестил еси, рещи Твое востание.

Блажени изгнани правды ради, яко тех есть Царство Небесное.

Иже во тме спящии Тя, Свет, видевшие,/ в преисподнейших адовых, Христе, воскресоша.

Блаженны святых, глас 4:

На 4: Блажени есте, егда поносят вам, и изженут, и рекут всяк зол глагол на вы лжуще Мене ради.

Приидите, в пѣснях воспойм соборъ священнейшій,/ всех святыхъ, в землѣ Петербуржстей просиявшихъ,/ и своими подвижи всю землю нашу освятившихъ.

Радуйтесь и веселитесь, яко мзда ваша многа на Небесехъ.

Радуйся, граде святого Петра,/ в тебе бо ныне прославляются песенно чѣда твоѣ,/ яже, ризы своѣ многими страдании убелѣвше и славу небесную законно стяжавше,/ победную песнь Богу воссылаютъ.

Слава: Образе неизменный Отецъ,/ Сияние славы Присносущнаго Света,/ печать Вышняго, Слово, Сило и Мудросте!/ Тя благословящимъ Благопреминитель буди.

И ныне: Во граде Казани икону Твою явила еси, Пречистая,/ очеса слепыхъ отверзаючи и милости Своея на верныхъ изливаючи,/ и ныне, Заступнице Усердная, просвети насъ,/ во граде святого Петра честному образу Твоему поклоняющихся.

Входное: Приидите, поклонимся: Спаси ны Сыне Божий, воскресый из мертвыхъ:

По входе тропари и кондаки:

В храме Господском: тропарь воскресный, тропарь святыхъ. **Слава:** кондак святыхъ. **И ныне:** кондак воскресный.

В храме Богородицы: тропарь воскресный, тропарь храма, тропарь святыхъ, кондак воскресный. **Слава:** кондак святыхъ. **И ныне:** кондак храма.

В храме святого: тропарь воскресный, тропарь святыхъ; кондак воскресный. **Слава:** кондак святыхъ. **И ныне:** Предстательство христианъ:

Тропарь воскресен, глас 2:

Егда снизшелъ еси к смерти, Животѣ Безсмертный,/ тогда ад умертвилъ еси блистаниемъ Божества./ Егда же и умершья отъ преисподнихъ воскресилъ еси,/ вся силы Небесныя взываху:/ Жизнодавче, Христѣ Бже нашъ, слава Тебѣ.

Кондак воскресен, глас 2:

Воскрѣсл еси отъ гроба, Всесильне Спасе,/ и адъ, видевъ чудо, ужасѣся, и мертвии восташа:/ тварь же, видящи, радуется Тебѣ и Адамъ свеселится,/ и миръ, Спасе мой, воспеваѣтъ Тя присно.

Тропарь святыхъ, глас 1:

Днесь свѣтло красуется градъ святого Петра,/ яко настѣ день честнаго торжества./ вонъже людие христоименити славословятъ Бога Вседержителя,/ на брегахъ Невы оплотъ державы Россійския утвердившаго,/ и многия святыя в немъ явившаго,/ иже молитвы ко Пресвятей Троице возносятъ,/ да помилуетъ Господь люди Своея, яко Милосердъ.

Кондак святыхъ, глас 3:

Днесь святѣи землѣ Петербуржския/ вкупе с нами предстоятъ в Цѣркви и невидимо за ны молятся Богу,/ да избавитъ насъ отъ врагъ видимыхъ и невидимыхъ,/ отъ недуга и глада, отъ внезапныя смерти и отъ всякаго зла/ и спасѣтъ души наша.

Богородичен, глас 6:

Предстательство христианъ непостыдное,/ ходатайство ко Творцу непреложное,/ не презри грѣшныхъ молѣний гласы,/ но предвари, яко Благая, на помощь насъ, верно зовущихъ Ти:/ ускори на молитву и потщися на умоление,/ предстательствующи присно, Богородице, чтущихъ Тя.

Таже, Трисвятое.

Прокимен воскресный, глас 2: Крепость моя и пение мое Господь, / и бысть мне во спасение. **Стих:** Наказуя наказá мя Господь, смёрти же не предаде мя. **И святым, глас 4:** Святым, иже суть на земли Его, / удивí Господь вся хотения Своя в них. **Апостол к Римляном, зачало 88. И святых ко Евреом, зачало 330. Аллилуиа, глас 2. Стих:** Услышит тя Господь в день печали, защитит тя имя Бóга Иáковля. **Стих:** Гóсподи спаси царя, и услыши ны, в óньже áще день призовём Тя. **И святых, глас 4:** Бóже, ушима нашими услышахом, и отцы наша возвестиша нам. **Евангелие воскресное от Матфеа, зачало 18, и святых Евангелие от Иоанна, зачало 51. И по чину Божественная Литургия Иоанна Златоустаго. Причастен воскресен:** Хвалите Гóспода с небес, хвалите Его в Вы́шних. **И святых:** Рáдуйтесь, праведнии, о Гóсподе, правым подобает похвалá.

Молитва

О Всемилостивый и Великодаровитый Бóже, утвердивый волею Твоею Зéмлю Россíйскую и в ней град святаго Петра́!

Призри с высоты святя́я Твоея на предстоящия лю́ди Твоя́ и прими́ благодарение наше о Твоих великих благодеяниях, яже сотворил еси́ в лета́ дрéвняя со отцы́ нашими! Услыши нас, прославляющих Имя Твое́ свято́е, яко благоволил еси́ прославити во святых избáнныя Твоя́, ихже земля́ Петербуржская произрасти́. **Вонми́** гла́су моления́ верных чад Твоих, славословие величеству Твоему́ возсылающих и умиленно к Тебе́ взывающих. **Посети́** нас мило́стию и щедрóтами Твоими́, яко и на бóдущая времена́ пожити́ нам во всяком благочестии и чистотé. **Утверди́** град сей и зéмлю сию́ молитвами и предстáтельством сла́вныя Влады́чицы нашей Богороди́цы и Приснодéвы Марíи, святаго благовернаго и великаго князя Алекса́ндра Невскаго, святых ца́рственных страстотéрпцев Никола́я и Алекса́ндры со чады́ их, святя́я блаженныя матере́ нашей Ксéнии Петербуржския, святаго праведнаго отца́ нашего́ Иоáнна Кроншта́дтскаго чудотворца, святаго священномученика Вениа́мина, митрополита Петроградскаго, преподóбнаго и богонóснаго отца́ нашего́ Серафима Вы́рицкаго и всех угóдников Твоих, в земли́ Петербуржстей просиявших, яко да, поживше в вéце сем по за́поведем Твоим, в вéчный поко́й достигнем, идеже со всеми́ святы́ми прославим Пресвято́е Имя Твое, Отца, и Сына, и Святаго Дúха, ны́не, и присно, и во ве́ки веко́в. **Аминь.**

Приложение 1

Список Собора святых Санкт-Петербургской митрополии

1. Александр Свирский, прп.: Ап. 17; Ав. 30
2. Александр (в схиме Алексей) Невский, вел. князь: Ав. 30; Н. 23
3. Александр Волков, сщмч.: Д. 26
4. Александр Саульский, сщмч.: М. 19
5. Александра, царица, страстотерпица: Ил. 4
6. Алексей, царевич, страстотерпец: Ил. 4
7. Алексей Ставровский, сщмч.: Окт. 1
8. Анастасия, великая княжна, страстотерпица: Ил. 4
9. Анна Лыкошина, мчц.: С. 28.
10. Антоний Дымский, прп.: Ян. 17; Ин. 24
11. Арефа (Митренин), присп.: Окт. 24
12. Арсений (Дмитриев), прмч.: Н. 20
13. Арсений Коневский, прп.: Ин. 12
14. Борис Орнатский, мч. М. 31
15. Василий Канделябров, сщмч.: Н. 20
16. Вениамин (Казанский) Петроградский, митр., сщмч.: Ил. 31
17. Викторин Добронравов, сщмч.: Д. 15
18. Владимир Лозина-Лозинский, сщмч.: Д. 13
19. Владимир Пищулин, сщмч.: Ян. 28
20. Григорий (Лебедев), Шлиссельбургский, еп., сщмч.: С. 4
21. Григорий Поспелов, сщмч.: Мр. 13
22. Григорий Сербаринов, сщмч.: Д. 26
23. Екатерина Арская, мц.: Д. 4
24. Елисавета, вел. кн., прмч.: Ил. 5
25. Емелиан Панасевич, сщмч.: Н. 20
26. Игнатий (Брянчанинов), Кавказский, еп.: Ап. 30
27. Иларион (Троицкий), Верейский, архиеп., сщмч.: Ил. 11, Д. 15
28. Иоанн Ковшаров, мч.: Ил. 31
29. Иоанн Кочуров, сщмч.: Окт. 31
30. Иоанн Кронштадтский, прав.: Ин. 1, Д. 20
31. Иоанн Сарв, сщмч.: Н. 20
32. Иоанн Стеблин-Каменский, сщмч.: Ил. 20
33. Иоанникия (Кожевникова), прмц.: Н. 20
34. Карп Эльб, сщмч.: С. 11
35. Кира Оболенская, мц.: Д. 4
36. Кирилл (Смирнов) Казанский, митр., сщмч.: Н. 7
37. Ксения Петербургская, Христа ради юродивая: Ян. 24; М. 24
38. Лев (Егоров), прмч.: С. 7
39. Макарий Римлянин, Новгородский, прп.: Ян. 19
40. Мария Лелянова, прмц.: Ап. 4
41. Мария, великая княжна, страстотерпица: Ил. 4

42. Мартирий Зеленецкий, прп.: Мр. 1; Н. 11
43. Михаил Чельцов, сщмч.: Д. 26
44. Никита Алмазов, сщмч.: Н. 15
45. Николай (Клементьев) Великоустюжский, архиеп., сщмч.: Д. 18
46. Николай II, царь, страстотерпец: Ил. 4
47. Николай Кулаков, сщмч.: М. 19
48. Николай Кулигин, сщмч.: Окт. 1
49. Николай Орнатский, мч.: М. 31
50. Николай Покровский, сщмч.: Н. 20
51. Николай Розов, сщмч.: Ф. 20
52. Николай Симо, сщмч.: Ап. 5
53. Ольга, великая княжна, страстотерпица: Ил. 4
54. Павел Брянцев, сщмч.: М. 19
55. Петр Скипетров, сщмч.: Ян. 19
56. Платон (Кульбуш) Ревельский еп., сщмч.,: Ян. 1
57. Серафим (Вавилов), прмч.: Ф. 4
58. Серафим Вырицкий, прп.: Мр. 21
59. Сергей (Шеин), прмч.: Ил. 31
60. Симон (Шлеев) Уфимский, еп. сщмч.: Ав. 5
61. Татиана, великая княжна, страстотерпица: Ил. 4
62. Философ Орнатский, сщмч.: М. 31
63. Юрий Новицкий, мч.: Ил. 31